

山

歌

山歌七

私情集體

○馬癢牛帶說白一句

姐見馬癢無藥醫，跑到東邊跑到西，梅香道姐見拾了，  
弗燒的軟湯來豁，姐道尋喬呀，你是曉得箇軟湯只  
豁得外頭皮。

此歌聞之松江傳四，傳亦名妹也，松人謂陰為鳥

○○○田鷄急口四句

百樣鳥見百樣聲，只有青花樣箇田鷄叫得忒分明。



天龍掛惹人瞞惹人瞞惹人瞞小阿姐兒再來紅羅  
帳裡造仙橋若有村東頭邨西頭南北兩橫頭二十後  
生連無頭宵來小阿奴人仙橋上過怕郎君落水抱郎

腰  
擺祠堂以下俱八句

萬苦千辛結識于箇郎我郎君命短見關王爹娘面前  
弗敢帶重孝短頭梳袖裡藏袖裏藏袖裡藏再來檢  
粧裡面擺祠堂我遍梳頭我遍哭只見祠堂弗見郎

○借箇星

箇星具語猶云這仲東西也

即聽姐兒借箇星半箇時最弗做聲白絹汗衫掩子嘴唇迷々裡介矢線扎羊毛筆定成必定成待奴奴歸去稟娘聲娘道因兒呀看子我老來無人要你後生家及早做人情

好箇令堂○與一卷二十步子廿一來隻同意

○嘖櫻龜

日落西山影弗高姐擔子竹梯打櫻桃打子四九三十

六箇櫻桃安來紅盤裡，要郎君摸你，嚼櫻桃，喫櫻桃，那  
櫻桃嬌奴，拉開手，盛糟小阿奴，金盃洗子銀盃裡，  
通白羅帕子，轉三遭。

摹寫郎驕姐，諛可笑，可憎。

○船艄婆

船艄裡打鋪，船艄裡齊，船艄婆一夜忒頑皮，嚼箇船艄  
裡客人，聽得子，朝晨頭，儕對子，我發嘻，唉嘻，笑嘻。  
虧你昨夜那忍得，到曉鷄啼，小阿奴，私房本，事齊。

哭你聽會子去。只怕你搭家婆到弗得。我介會頑皮。

○約 以下中犯卑羅追四句

挽子花開心裏香。情哥郎約我到秋涼。梧桐葉亂桂花  
又香。更。做。夢。寤。思量。姐道郎呀。你有口無心。沒許  
子我教阿。那得介慢心腸。

、呢罵

我情郎一去好希奇。經夏過秋再弗歸。當初來徃是誰  
請你。如今撇我。被人說是講非。姐道郎呀。箇樣事對人

前說弗得、也有天知道、我只顧夜、燒香咒罵、

敲門

拔隻金簪在門上丟、裡介敲、姐兒連忙下地、把燈挑、  
夜深人靜、誰人亂敲、開門去看、呀、原來是舊父、姐道、  
呀、七月七箇夜頭、你來得正、素子箇巧、省得小阿奴、  
餓子裡無油、空自熬、

○後庭心

姐兒生來身小、眼即伶、呀、即推倒在後庭心、便郎不道、



只得順情被人看見，壞奴好名，姐道：「呀，我好像黃砂石上磨刀，只要快，你生蘿蔔到口，豁辣能。」

又

姐兒生來身小，眼即伶，啣郎推倒後庭心，硬郎不過只得順情。霎時上叉，把好聽的叫聲，郎道：「姐兒呀，菓子對上，忒梯終須到子我箇手，鼓當中元寶，只要瞞子大，銀。」

○釘鬼門

私情起意未曾、曉有閒人揪來我裡箇听並無形迹  
由他講論、雖然不信、釘奴鬼門、好像卵袋打人頭、弗痛  
子細思量、激惱人。

○小因兒

新做墻門黑鎗舞、  
張做甚的、婢娘看見、一場是非、姐道郎呀、你好像折脚  
鷺絲、躲在沙灘上、眼看子鮮魚、忍肚飢。

一云、郎做子鷺絲、雲頭上飛、姐做子鱈魚、水面上齋。

郎道姐呀我喫箇打生艇上人多落弗得箇脚眼看  
鮮魚忍肚餓

、老阿姐

老阿姐兒去尋人尋來尋去尋着子一个小官人千方  
百計騙他動情脫裙解褲抱他上身姐道郎呀好像冷  
水裡洗瘡殺弗得我个瘡月亮裡灯籠空掛明

、操琴

姐在房中織白綾郎來窓外手操琴、声嘹亮停校便

听一彈再鼓，教人動情。姐道：郎呀，小阿奴，好像七弦琴上生絲線，要我郎君懷抱作嬌聲。

○綽板

姐兒生來像箇綽板，能逢着子我郎君會綽了，就緊隨身。做腔做調，忒殺好听。要緊要慢，隨意稱心。姐道：郎呀，我取你个多記腰板，生成點得好，你只沒要打差子箇迎頭截板，教我冷清。

○象棋

結識私情像象棋，上達敵手費心機。滿月富頭石砲，我有士象支持，渠用卒見捌進，我个馬會邪移。姐道郎呀，你攤出子將軍頭，要捉我做个塞殺將。小阿奴，也有个踏車形勢，兩過車。

○黃瓜

黃瓜生來像姐兒，只為你聰脆清香。括爆子渠，一碟兩碟，千絲萬絲蒜來伴你。想是愛喫醋的姐道郎呀，你一連我括直括到小阿奴，子宫裡如今水泳，軟倒。

做一堆

鋸子

結識私情好像鋸子能來、往、忒慇懃兩人把手線  
路上行、伶牙俐齒、背隻絆繩、姐道、郎呀、腰裡着甚麼捨了  
能緊俏、你沒要進門、便肩子了、就行程

寂寞

中犯卑羅袍五句

昨夜即來、焚了介忙、今夜無郎、冷、介慌、千思萬愛、思  
量我、塲、孤燈、隻影、淒涼、滿床、陽臺夢、青魂、飄蕩、姐道、郎

呀、褥子上、苦身無席、摸千條錦被、弗如郎

山歌八

私情長歌

○丟磚頭

以下俱燕說白

丟磚頭了、搬子塲、弗曾聽我情哥說一聲、我那間羹湯  
藍提子箇糠蝦來裡眼淚出、外籬裡坐子蚕繭細思量  
〔白〕細思量、細思量、我裡箇情哥是箇鐵心腸、我撇來裡  
子一箇月日、你也弗直得來看、張、料通弗離箇蘇  
松常鎮、廬鳳淮揚、俚箇來箇銅開口外、遠處地方、你弗  
見、我又給識子別箇依先快活、正弗知我歌、思量〔歇〕



正是蓮蓬。揸打人。拚子。私情斷。我是。礮。糠。裡。刷。魚。肝。肚。腸。

○正

離見私房有箇坵三角田。自小收拾在身邊。忽朝一日。無錢用。將田要典我郎錢。箇郎道。姐見呀。我有箇錢。典你箇田。要還我四坵明白。囉裡連牽。姐道。郎呀。我有箇田。典你箇錢。自然還你四坵明白。囉裡連牽。東坵白勝。灣。西坵大腿邊。南坵三叉路。只壯坵肚家門前。我好揮。

箇光頭孺，又好種箇硬梗綠。  
〔歌〕我箇郎呀，你要目裡拆。  
秧夜裡蔣，憑你荒年沒菜子，奴箇坵田。

○○船

昨夜同郎做頭眠，乾紅欄子合腮肩。  
四隻鴈兒好像鰓，鯉入槽人正對孖填。  
〔白〕填臍邊，填臍邊，粧子櫓掣。  
便搖船推箇推來板，箇板掀鈴吮郎浪頭顛。  
淨飯潭眼裡，儕是水，利市頭上弗曾乾。  
打濕子一領，踪箕衣猶自可，秋包正掛在櫃堂前。  
〔歌〕郎道姐兒呀，我替你前長。

後短箇撮事務盡丟開子手且掀起子扳頭抹乾淨子

木梳

結識私情好像木梳能我儼枉子聽你介相思結髮情

竹動之

白 唼箇鏡子來裡做眼編筐着弗得箇蓬塵牙刷子只

可則雖

等你開口絆頭帶來裡縫筋眉刷弗住介掠來掠去刮

氣俗作

舌又介掀嘴捺唇朗梳斜連露脚後跟赶上剔帚來得

偏其滾

慇勤 歌 姐道郎呀我聽你一通兩通也只是空來徃到

弗如肥阜光、滾着子身、

○蒸

結識私情像蒸籠要我肉面相連弗放空因為你會安  
排落來你箇圈套裡未曾動大氣冲、自氣冲、氣冲

冲思、切、在心中我為你受子几呵頭、咽、盡閣

在肚裡長、短、儕聽你包客我曾經九蒸三煖弗是

一窠弗通你人門前捉我團、搨、我豈弗曾恨窮弄

時我肚裡有醃我也只弗走風那你常時在我面上淘

氣做身懶分、饅頭倒大子、蒸籠思量更介弗好到弗如  
傷軟折戔子、羅省得後來冷氣直冲、〔歌〕姐道郎呀、我只  
指望你火氣退時、依還聽你重相聚、羅得知後來原哄  
得我精空

鑽子

郎兒生來好像鑽子一般、喫屎拿箇軟麻繩纏住子  
了弟、放寬上箍下箍、緊子我你自家快活沒撥來別  
人鑽、〔白〕別人鑽別人鑽、我郎消遣子我介兩三番和身

靠緊我來用力，一雙眼睛弗住介視我來開，你箇心上測得火着我，倒有氣無烟，那使用勑把力，再歇，便四手乘雞，（圖）姐道我郎呀，消進消出，穿你尖酸頭，弄大子我箇眼。兩人絞契子了，肩來孔門邊。

求老公

兼說白結用卑羅拖三句

來箇姐兒上穿青，下穿紅，手拿香盒過橋東路上行人，問道姐兒你在羅裏去，我到處燒香求老公。（白）別人家嫁箇老公七伶俐，八玲瓏，又長又大，又光同，偏有小阿

奴、年灾月悔、命犯孤窮、嫁着于介簡、爲龜亡八、生淨  
又麻又瞎、又痴又聾、上床好似背板、下床好似雞踏  
雄、昨夜一更後、二更中、爬來小阿奴、頭過來學打雄  
髻、鬚擗痛子、奴箇嘴鼻、涕淚來累子、奴箇胸惹得小阿  
奴、心姓發、一脚踢倒在裡床東、歌只有五更頭、小阿  
奴、熬弗得、捉淚全裝、只一摸、好似烟、燻蘿蔔、火燒葱、  
皂羅袍 這般模樣、教我怎容、因此別尋一箇好家公、

○竹夫人 魚說白中犯排歌三句

做人弗要像箇竹夫人，愛只多少，炎涼自在心。硬子骨  
頭，開子眼看我人情勢敗，像秋雲，像秋雲，小  
阿奴，原弗是低微下賤人，你只知我今日箇落運，弗  
知我當初箇出身。喬松是我前輩，梅花是我隨身，清風  
是我好交，明月是我佳賓。當初箇伯夷、林、齊，也是我裡  
遠祖，湘妃也是我裡至親，且喜子孫繁盛，歷代有介星  
清名。也有人喜歡我箇高節，也有人賞鑒我箇知音，弗  
匡撞子箇惡作，幾片拖出山林，捉我出皮剔骨，我只是



開心見誠、捏得我兩頭弗露、做得我出路無門、露出子  
多少眼目、又陪子兩箇小心、抵我来十字街頭東賣也  
弗要西賣也、弗成弗識、貨箇見子我七孔八竅一箇光  
棍、識貨箇見子我玲瓏、一箇凉人增錢買我家去、  
放我来紅紗帳子裡安身、辯子我恩愛、勾子我殷  
殷懃懃、辯子我汗弗離身、勾子我手弗離頸、指望百年  
同到老、囉道七月七立秋之日、風波當時起、惡念容易  
興、娘子官人嘆道我碰脚絆手了、頭阿姐嘆咒我離眼

別晴橫弗中湫箇意、監弗像湫箇心、一射、我來門閣  
落裡、累子我滿身箇蓬塵、我喫箇傷心了、唱介兩句曲  
子自家嘆箇自身、**排歌**、野心漢、薄倖人、隨知轉眼就無  
情、**歌**、卅上弗是有子、秋冬無春夏、你搭箇起得時人休  
笑我失時人

○湯婆子竹夫人相罵、以下俱曲白間用  
姐兒、鰻團圓、坵像湯婆、人門前穩重、又溫和、未到黃昏  
捉我掬了摸、拿我肚皮常滾得、我急箍、**百**急箍、急

吳俗相  
呼曰會

掩、情哥郎冰瀨忒無佳、當初拿子小阿奴、好似珠  
珠瑪瑙、活寶珊瑚、道是我教開、介有趣、煖烘、介對  
种弗比薰籠介礙事、又强如火炭箇脚爐、被裡時常相  
會、蓆上弗住介揩磨、我指望搭你無箇分、開日脚囉得  
知、立子春來看、捉我冷疎、丟我來踏板上理也弗理  
暖也弗暖、一视子搭箇家主婆、睡在床上、說道會鄉子  
你弗歡喜子箇湯家裡箇、再說道漂箇年紀忒多、湯婆  
聽得、眼淚直鋪、官人呀、黃鶯兒名色強湯婆、戔戔生年

不多湯家還是我的親生父我只為執心腸似火倘冤家愛我苦憐我被窗中准夜如棒磨一脚就碾開奴到如今經風露水你心上道如何自說郎弗轉有跌箇胸脯恨我裡箇爺娘美得我一點無箇還覆枉子你也來我箇面上廢子多少工夫我鄉間攪來別人介輕賤弄米長情倒弗如酒注茶壺飲姐道郎呀寒々冷々護子你多少脚卹間倒捉箇竹夫人做子小家婆○竹夫人聽得子氣膨々出口就罵老惜春你是冬來我是夏綠

何牽擾阿娘身。白阿娘身阿娘身慣要來箇人前說別人幾次人前說我懶朴要睏箇是家主公歡喜我箇風情你未到黃昏就叛來箇被裡我看你儂上頭箇點動緊湯婆子說道斟你羞也弗識自道風情我看你情赤洒洒無介點趣向弗如箇老太婆包包扎扎有介兩件衣身。竹夫人說道揚梅乾。呷介兩箇忒煞惡心包包扎扎便是布頭布腦有要綠袄紅裙。呷箇張官人要落你箇意利好像汁罐。呷箇李大舍說你箇氣質就似湯瓶。

湯婆子嘴面一呷、你好像燈臺弗照自身、我近看子你  
活像箇炭鉢箇嘴臉、我遠看子你好似雙魚箇戕形、聞  
子家主公多少箇毛腿、聽子家主婆我呵箇風聲、竹夫  
人便說道、我強如你在箇家主婆箇使臭脚、強如你做  
箇家主公幫丁、我生來眼目清爽、肚裡一點小心、短弗  
局促、長弗伶仃、壯弗搗堆、瘦弗薄輕、湯婆子說道、我骨  
格重你兩、我價色多是你十分、憑你說我慳吝、強如  
你幾片箇妖精、兩箇相爭鬭毆、樓子一箇黃昏、囉道是

箇家主婆聽得、唱罵高聲、一箇無介點大小、一箇弗讓  
介點卑尊、兩箇儕曉來搭、直到更盡夜深、湯婆子對子  
箇竹夫人紐嘴紐面、竹夫人就說起前因、黃鶯兒想起  
舊恩情、竹夫人浪得名雖與他同床、不得同衾枕、樓抱  
我在身心、見裡感承、誰知不久成孤另、悔初心、只為趨  
炎附勢、如今落得冷清、白囉道是箇家主公聽得、竹  
夫人說得傷心、歌家主公唱子、竹夫人起來、你下遭再  
弗許你箇樣、劈竹性、湯婆子你弗許你賴綽、白亂樓要

溫存

、  
、  
籠燈

姐兒生來像籠燈，有量情哥捉我尋，因為偷光犯子箇事，後來忒底壞，奴名伯壞，奴名壞，奴名阿奴，細說我郎君，你正日介來張頭望頸，眼看奴身，你道是我短又弗局躐，長又弗伶仃，因是更了我聽，你有子箇情意，一日子月黑夜暗，揀子我就奔也，弗管三更半夜，也弗管雨落天陰也，弗管地下箇溝蕩，挨過子多少箇巷門也，弗

山歌八

仙音長和



管箇更舖里箇夜夫也弗怕路上撞着子箇巡兵金羅  
一响嚇得我冷汗淋身一到子屋裡我方纔得箇放  
心囉道是伴得你牢把也弗上你就要棄舊戀新屈來  
囉裡說起撞你介箇賊精郎道你弗要辭勞嘆苦懊悔  
連聲你當初白淨氣騰你那間渾身好像箇  
油、羹、湯、面、拌、子、箇、灰、塵、人、門、前、全、勿、驚、好、頭、上、櫃、子、介  
條、草、繩、夜、裡、只、好、拿、你、來、應、急、趙、日、裡、幹、要、箇、正、經  
還有介多哩弗好我一發說來你聽

打東腔

怕只怕

你火性見時常不定，照了前又照了後，不顧自身，一身  
破損，通風信，長與別人好，又與小人跟，轉一箇灣兒，我  
這里見你的影。同姐兒，喲面介一呼，就罵箇負義薄情  
你當初，焯得火着介要我，一夜弗放我離身，我也弗知  
光輝子你多少也，弗知替你瞞子幾呵箇風聲，你只厭  
我眼前箇腌潤，弗念我起初箇鮮明。歇你捉我捉得起  
來，放得下，我只摸得你竈前火燭無一星。

○老鼠

郎見生來好像老鼠一般，夜裡出去偷情，日裡閒，未到黃昏出來張了看。但等無人，只一鑽，白只一鑽，只一鑽，阿奴歡喜小尖酸，來去身鬆快便，兩隻眼睛谷碌碌，會看會觀，聽得人聲一躲，火光背後就縮做子一團，能會巴席上屋，又會撮柱爬樑，也弗怕銅牆鉄壁，也弗怕戶閉門開，也弗怕竹簽芭隔，也弗怕直楞窓盤，一夜子鑽進子我箇屋裡，走到子我箇房前，扯着子箇房帘上，金鈴索聲能介一响，嚇得我冷汗直鑽，我裡箇阿爹慌。

忙咳嗽。成裡箇阿娘口裡開談，便話道：「何因要响，我明  
明裡曉得，你臭賊做勢，睏着弗敢開言箇。臭賊當時  
使一箇計較，主地就用一箇棧開口裡谷，聲做介兩  
聲，湊鷄叫活像連，聲數介兩聲銅錢。我裡阿爹說道：  
「老阿媽，你小心，叫火燭。」阿娘說道：「老呀，沒介脩箇報  
應。明朝早起來，求介一條靈籤。我裡臭賊聽得子一  
發胆大，連忙對子我被裡一鑽，就要搭小阿奴。不三  
不四，不四不三，一張嘴好似石塊，一隻脚好像冰團。」

驚見

兩脚像冰團被窩中快：鑽偷油手段把偷香按  
雖然未安得歡且歡只愁五角更見短嘴付俏心肝他  
老人家醒睡頭是悄悄好遮瞞姐道我郎呀你沒要  
爬：懶：介越意利驚動我裡門角落裡睡猶團。

一云結識私情像老鼠一般：未到黃昏各處去鑽  
倚牆闔壁轉過畫欄穿窻入戶到奴枕旁奴的東西  
被你長偷慣姐道老鼠阿哥呀今後要來須是輕脚  
輕手介走沒要嚇覺我裡睡猶團意略同。

惺惺著

姐兒惺惺着好心焦。思量子我裡箇情哥。只捉脚來踹。  
好像漏濕子箇文書。失約子我。冷鍋裡篩油。測。裡熬。  
白測。裏熬測。裡熬。姐兒口罵殺千刀。我慕傳教寄。  
信來叫尔。慕好像箇討冷債。箇能介有多呵。今日了。  
明朝。平羅也。堪嘆薄情。離別把佳期做了。流水萍飄。柳。  
絲暗結。玉肌消。落紅惹得朱顏惱。情牽惹掛。山長水遙。  
月明古驛。東風畫橋。那人何事還不到。白姐兒氣子介。

一氣噎漫、眼淚介雙拋、只見燈花連報喜鵲連、又  
 叫子介多遭姐兒正在疑惑、只聽得窗外門敲、小阿奴  
 奴連忙趕搭出去、來窓眼裡張着子箇集賊了便胆喪  
 了魂消、我便開弗及箇門門、拔弗及箇門銷、瀑再一走  
 走進子箇大門、對子房裡一晚、就來動手動脚、捺住子  
 我箇橫腰、我便做勢介一箇苦毒、假意介箇心集、在南  
 黃昏靜悄、我把被兒來薰了、香、等到月上花稍、窗  
 冥々全無消耗、聽殘更漏鼓、那時你方纔來到、我把他





連只怕難着肉，龍精絞索要繩縛。  
自要繩難，要繩縛，  
聽後生說一番，你無事幹，要了，  
在箇條街上，跪寬主，  
箇能介奔來奔去，我看你淡滿，  
要了，常坐在我樓門，  
前我自正經搭別人說話，再要你接口傳言，  
小男兒，  
哭我有然會，抱囉要你進來，  
辯，坐，一味裡支花野，  
味，我看你手裡無介半箇銅錢，  
你常摸進來搭我，  
揸屏，  
擦片你常時捉我，  
拽，布衫，我這備道要聽你，  
苦毒，  
跌，  
舌，我也美後思前，  
我若聽你扯破子箇面皮，  
你就要捉

頭至尾提我來牽拔我雖無倚蓬座落在你眼裡你搭  
箇起男人家好弗會生事造言我只得耐子戕氣是人  
裡喫你浪搭子介一年一日姐兒立在大門口瞟箇菜  
蔬過去只見釣魚箇走到面前肩頭上背子魚籠腰裡  
揸子箇釣竿左手提子介一稿右手拿子介一籃姐兒  
便問箇釣魚箇偕魚來呵釣魚箇口裡娘子連魚籠裡  
盡是宿魴魚裡盡是鰻鱧鱖我落色不要魴魚要多  
少銅錢娘子銀子二分半白臉銅錢要廿七箇黃魚正

錢鹽音

來裡說價錢弗了、後生看見鼻搭嘴、嘩嘩到門前、劈手一奪、拿箇籊裡播、捉箇籃裡煎、阿呀、箇、活哉、真箇新鮮、煮起來好喫、煎起來又介鮮甜、我看見源弗見介惹氣、釘子濕兩箇、眼拳、我也無介氣力、聽源又嘴自聰、賣魚箇開言、漁翁、你邪了、做介生意、一日近多少銅錢、娘子呀、大箇弗肯上釣、小箇弗肯上前、大箇賣來、將就買點米、小箇只好換些油鹽、姐兒就拿釣魚箇來、借名鑿字、拿箇後生來說介一番、打東船我爰你釣漁

人本是箇痴心漢，枉終朝在河邊手執着釣竿，那魚兒  
上你釣，也要兩相情愿，上了你的釣心兒上便喜，倘若  
不上你的釣，你也枉徒然，只怕你想斷了肝腸也，看破  
了這隻眼，翻只怕你立到夜來，餓到黑，那滑齒花嘴魚，  
鯽到嘴邊，○後生見話氣膨，將言幾句吞嬌娘，你沒  
要欺，賺釣魚漢，釣魚塢里出賢良，韓信釣魚，寄食漂母，  
後來築壇拜將，封子齊王，姜太公釣魚，壽年八十得遇  
子文王，扶持周朝天下，至今春秋二祭，風光嚴于陵釣。

魚撞着東海裡龍王、一聞、進龍宮、海藏鎮、日吟詩、作賦、飲宴、囉得知三官主、歡喜子、搭源水晶宮裡、正配、鸞鳳、姐兒說道、後生家、囉裡學搭來、油嘴滿口、盡是荒唐、姜太公、韓信、三歲男兒、曉得從來、弗聽得、儋嚴子陵、搭箇三官主、正配、鸞鳳、一味裡、盡是、嚇姐兒、降拿箇背來、一賞你、且去介、去介、猪有猪圈、羊有羊棚、後生無此樣、賞弗見、更箇面光、欲要四言、兩聲、無點起、回幾角、四轉頭、來看見子、賣艸子、箇後生、就叫賣艸、紐箇你、阿有蕭

山阿有富陽、賣草經箇說無得、一頭便是包札、一頭便是薄光、那買包札要二今箇雪去、薄光要八厘冰玉、喚弗要介多呵、包札十箇嘉靖薄光半今冰玉、賣草底箇拿箇扁担一囑、看、後生、那了介還得介能賤、箇又要強你只好看、弗能箇到手沒要思量、後生聽得子箇兩句說話、火星就爆出子箇太陽、夾嘴兩擊、就是一箇巴掌、借名鑿字數說嬌娘、打索賣草底的人你本是餓娘、賣不賣、肯不肯、由你做主張、緣何到把人冲撞

你這樣希爛的紙，不知我也用過了許多張，你不賣與  
臣，也臣，也不想。  
後來弄得粉碎，朋友，你箇樣爛，賤箇東西方便門裡。

山歌九

集咏長歌

○○陳媽媽以下俱曲台腔用

陳家媽媽有人緣，風月場中走子哉。  
呀年自小阿奴，名頭雖然人盡曉。  
得只弗知我起先箇族譜相傳，我出身元是湖州箇大細。  
當初跟隨子織女天仙，弗道道況埋得我更箇凌替。  
穿箇姐兒扯到身邊，淹流到那開箇時節。  
弄得我忒弗新鮮，我先前是紅娘子結親時。  
掛歌箇星錦帳，又是綠衣郎登科時。  
穿箇星藍衫，到如今



再捉我做子被頭裡箇抹布常搥我風流所在弄纏綿  
濕時節好像海蜇箇風味乾時節像荷葉樣箇藍班綸  
聯々像厨司公湯碗裡箇紫菜醃筵々喫儼湖廣客人  
鹽醬角裡爛丟々箇星魚乾撞着子新做親介星頑皮  
精姐々日夜捉我搭來拈弄遇着子私窠子會樓打箇  
星娘々也弗住介累得我腥羶壯羅多油碌々新出籠  
饅頭能箇樣物事在上游了時到有星滷味骨稜層瘦  
弄々霍在肉上箇樣東西在上繳了繳再惹得我介臊

臉有介騷離、撇格臘箇樣寡婦時常捉我搵、又有  
箇極妖嬈寡風趣箇樣尼姑盡捉我來牽、黑松林底  
下我弗知看子若干箇光景、肚家場當中也掣我遊玩  
得子介平、玉門開上週迴、四遭替漂箇巡哨、毛將軍  
玉柱上頭下頭也替渠着根介週旋、使箇彎裡我常、  
在搭風流飄蕩龍鬚席底下也掣我眠、得介安閒、箇星  
輕薄後生見面弗得介捉我耶、我笑渠無我了、你黑  
搭、那得介安眠、獨啣湖洲親眷常來替我合嘴、虧殺

子湯家姐、替我合得人緣、那間我裡情哥贈我介隻  
曲子、你儂替我唱搭去宣、卓羅袍媽、從來堪美伴  
佳人才子暮寢朝眠、任他結下好姻緣、遇咱纔卸得相  
思擔、色非紅紫、香非麝蘭、合歡帳裡鴛鴦枕、邊論功勞  
咱是箇親篋片。剛我啣箇淹潤着人了、還子多少風流  
債、雨散雲收做一團、

○門神

結識私情像門神、總新棄舊忒忘情、自記得去年大年

三十夜捉我千刷萬刷、得我心悅誠服、千囑萬囑、  
得我一板箇正經、我雖然圖你糊口之計、你也敬得我、  
介如神、我只望替你同家日活、撐立箇門庭、有介一起、  
輕薄後生捉我摸手摸脚、我只是聲色弗動、益弗容介、  
箇間神野見上你搭箇大門、我為你受子許多箇烹風、  
露水、帶月披星、看破子幾呵箇落頭、賊智、聽得子我呵、  
箇僻縫裡箇風聲、你當先見我顏色新鮮、那耳介喝彩、  
裝扮得花噪、加倍介奉承、那間帖得筋皮力盡、磨得我、

頭鬢蓬塵弗上一年箇光景只思量別戀箇新人你看  
我弗像箇士女我也道是你弗是箇善人就耍揪我出  
去弗匡你起介一片箇毒心遇着介箇殘冬臘月一刻  
也弗容我留停你拿箇冷水來澆我箇身上我還道是  
你敢笑拿箇筭簾來支我一只弗做聲扯破子我箇  
衣裳只是忍耐攞破子我箇面孔方纔道是你認真我  
弊你糾又刮得介測賴剗又剗得介盡情屈來我弊你  
介場擦刮了去介你做人忒弗長情我有介隻曲子在

裡到唱來你聽、王胞肚君心忒忍、戀新人、渾忘舊人、  
想舊人、昔日曾新料、新人未必常新、人有日、變初心、  
追悔當初棄舊人、團姐道我箇郎呀、那間我看你搭火、  
門前個前船、就是後船、眼裏來只好一年新、

○鞋子

姐兒生來鞋子能、身上花苗顏色精、俚箇搭襪纏箇清、  
郎看見子我整日在面前、引了引、回引了引、引了一、  
日裡上子我大門、渠見子我迷花笑眼、我聽渠說話也、

到知青、替我松江尤墩觀裡、外盪綳段、簇新、愛我口兒、  
繫、喜我淺面低眼、又弗比靴頭、搥、搥、搥、臉、又弗像  
急棚、箇樣、河豚、也、弗論價錢多少、開子銀包、便稱當  
時、成子交易、對合着、袋子了、就奔、一走、到半路、我自  
家肚裡、躊論、看子後生、十分像意、弗知、鄉、穿箇家門、原  
來、是、好人家、脚氣、弗是、箇樣、打、穿、箇脚、跟、廳、堂、才、是  
平、洋、箇、磚、地、房、裡、又、是、光、滑、箇、地、平、我、指、望、搭、漂  
一、夫、一、婦、囉、得、知、先、有、子、四、箇、完、魂、陳、橋、阿、媽、見、子、我

一歌上頭、篤嘴、篤臉、落口娘、見子、我努眼、凸精、西山、  
頭、嘆、看見子、我鄉談、弗絕、老葱、姐見子、我市語、連聲、  
一箇說、我婆、去頭、箇連貨、下箇說、我還復、箇弗是真身、  
一箇說、我客料、比弗得、松江、箇有趣、一箇說、我一出貨、  
到弗得、南京、轎夫、營箇、絕精、我受子、介番、批點、氣子、一  
箇黃唇、且耐過子、今夜、看大官人、明朝、那捉我看承、也  
得大天、白亮、只聽、淨閑、响个、敲門、再是三兄、四弟、拉  
我裡、官人去遊春、聽得、我裡、箇說道、要帶我同走、慌忙



隨子渠子起身、到處遊山玩景、非曾離箇脚眼、我只道  
一生之事、囉、匪大長情、非管天晴雨落、捉我乱步、亂  
奔、兼之黃昏早晚、丟丟弄淨、我溥嘴溥面、蹭跟、舊  
時、捉我做出人前、賣俏、箇粧扮、那間捉我做箇通房、拖  
脚看成、冷清、踏板上好一今無興、要來頭、現在濕搭  
四箇寬寬、箇眼瞢、我哪忍氣、非過、唱隻曲子來你聽、  
駐雲飛、我是綉、須通身、舉步生風、前後雲裏、外多幫襯、  
行動都齊整、咪、只爲足下、欠真誠、脚斜不正、弄得我頭

綾、跟、穿、腥、齷、無、乾、淨、如、今、箇、棄、舊、憐、新、恁、殺、人、罵、你、胡、  
行、老、脚、跟、同郎、君、聰、得、子、箇、隻、曲、子、床、上、一、箇、番、身、禽、  
你、正、弗、說、自、家、弗、是、到、罵、我、棄、舊、憐、新、你、當、初、精、  
緻、那、間、烏、阜、泥、涇、當、初、光、頭、滑、面、那、間、毛、頭、精、形、且、沒、  
說、你、多、呵、弗、好、就、是、你、唱、箇、隻、曲、子、呵、一、介、難、聽、你、那、  
弗、學、六、葱、介、着、事、西、山、介、儉、繩、那、弗、學、蕩、口、介、細、膩、陳、  
橋、介、老、成、你、既、是、寬、三、懶、四、還、你、介、箇、整、舊、如、新、只、見、  
明、朝、叫、住、子、介、箇、鎮、江、皮、匠、打、子、四、箇、九、子、兩、箇、硬、跟、

拿我唯來馮子、挑子我了行程、一檢、我在龜頭裡子、  
我思量箇一出去也無造化做箇娘子夫人、跟子皮匠、  
雖是肩挑、步、挑一夫一婦死也甘心、細皮薄切將就過、  
子日子只要匾擔同心、囉得知箇、真賊國子裡販賣、  
原來介出整箇如新、軟湯捉我洗、也是箇道理、冷水、  
沒頭介一淋、石塊、能介箇、頭對子我肚裡一塞、硬板、  
刮擦得、我性命雞仔、連鎚再鎚、得我介要緊、只苦得、  
三尺麻繩、皮匠聽得子我說又道是我絕命、倒轉子體、

頭一連七八擊打得我消魂。因奉勸姐兒沒要自道是脚力大就是拖脚蒲鞋還妹子左嫁人。

吳語再醮曰左嫁人左俗音際

### ○鑊子

姐兒生來鑊子能一生口厭也無心。劈箇木頭能介箇家公差配子我整日教我悶々昏々氣殺子人。因氣殺人氣殺人、也無早起無黃昏、壓緊子我、弗放番身、有時拿我動火、軟軟々也、再有趣殺子火、依先教我冷冷清。

清、大魚、大肉、拖來便、油脂、膈、臍、介是我周提、我何曾下  
口、介一星、蜊、撻了頭、箇齷齪也、倒耐子、餛、酸、箇、阿、婆、辭  
勞、一、叢、難、聽、過、日子、你搭多燒子介一把了、燒子、箇、飯  
滯、倒說我饒、癆了要、甬、前、月、箇、做、介子、燒、雞、為子、柴、火  
噯、道是我蠻皮了、弗、替你搭、當心、我裡、阿、公道是、費、柴  
費、火了、略、拿、箇、灰、鈹、來、動、得、介、一、動、你搭、合、家、門、一、款  
上、虛、就、介、介、子、子、嚇、出子、我、精、魂、拿、我、掇、出子、門、攬、推  
倒、在、庭、心、拿、箇、鑊、鐵、罐、來、起子、我、介、七、八、箇、且、先、刮、鏟

起來打子我十數擊背心，飯我搭轉來，兜嘴介兩撞，又  
弗容我汪氣汪聲，我便火開，子介一晝就是一杓冷  
水捉我渾身介一淋，我呷子更介鑊刮脩削，教我鄰耳  
存身我思量整日在廚房下轉過子箇日，脚何曾見箇  
光景，踏盡子窰前灰了，那得有箇超升我，那間呷氣弗  
過，生子介箇肚漏身體，軟了又燒破子嘴唇，補藥呷來  
無用看，生命難存，屈來龜君菩薩，喚到子介箇田地，  
還弗容我安寧，遇子年三十夜，拿到圓爐上當箇火盆。

喫要我支持拜節箇茶湯茶水喫要我照管箇男兒大  
細箇點心一到子正月半你搭受子箇零碎銀子喫要  
来我身上煎介箇煎餅你搭自弗小心喫箇白日撞偷  
子物事你再去請子箇天地紮子箇艸人糴子箇黃荳  
也来打箇奴身打得百踐粉碎折開子我箇蓋老買来  
別人換子一箇湯罐倒找子漂銀子三令上子野蠻子  
箇檐上一挑々出子閭門黃鶯兒拖出那閭門上新橋  
望北行治坊溪裡家居近姓王近村三代有名家中大

小多得甚、細詳論、指里一夫一婦、原來靠此做營生、  
安我來糞其裡一丟、子我來炉裡去、依先入子箇火、  
坑門、

○○燒香娘、

春二三月、煖洋洋、姐兒打拚去燒香、  
實城裡人、十分介、輕狂、屋裡精、無一塌、硬三、  
便去央求對門、知心媽、又央求隔壁、着意箇外、  
你來再無別事、有一句知心話、替你商量、我從小、  
實城裡人、十分介、輕狂、屋裡精、無一塌、硬三、  
便去央求對門、知心媽、又央求隔壁、着意箇外、  
你來再無別事、有一句知心話、替你商量、我從小、



寫隆山香愿、至今还弗曾去了償、昨夜頭偶然得介一  
夢、三茆菩薩派我灾殃、那間我要还、箇心愿、百無一  
有難行、頭上少介两件首飾、身上要介幾件衣裳、家公  
便道娘呀、目下無些少米、做生意喚介無賺、箇孔方  
春、季屋錢要緊、米錢又無儕、拉當、燒香雖則是箇好事  
算来要費介二錢箇放光、姐兒聽得子箇句說話、心火  
爆、出子箇太陽、天灾神禍、罵子幾句、寫龜亡人也、罵子  
千萬百聲、搥兒腓、死只聽得霹靂拍接、碗盞壺瓶流水

張、我今立意要燒香、無狀、再開言、教你滿身青、胖、箇姐

張、我今立意要燒香、無狀、再開言、教你滿身青、胖、箇姐

兒兒似老康、家公奔似山獐、赫倒子對門箇媽、踏痛

子隔壁箇娘、兩人百舛介解勸、聽我說箇衷腸、玉帝

也弗離箇金殿、閨女也弗出箇繡房、官人也是做人家

箇說話、並無半句派賴箇肚腸、桂枝香聽奴說訴、非奴

之過、只因亡八無知、致使我心中發怒、把從前細數、從

前細數、與他多年夫婦、我見他撐持門戶、盡虧奴、若不

張、我今立意要燒香、無狀、再開言、教你滿身青、胖、箇姐

去還香愿、非為女丈夫。  
[白] 姐道娘呀、無奈何、頭上嵌珠  
子、天鵝絨雲髻、要借介一箇芙蓉錦綾子、包頭借介一  
方、蘭花頭玉簪、要借介一隻、丁香環子、借介一隻、徐管家  
娘子、有一箇金箱玉鏡、音押髻、陳賣肉新婦、有兩隻摘  
金龜、箇鳳凰、張大姐、有箇塗金蝴蝶、李三阿媽、借子點  
翠箇螳螂、四箇銅錢、替我買條紅頭繩、紮子箇螺絲、饒  
星鹿角菜、來刷、箇髮、傍討一箇香圓、肥阜打、身上  
拆拽介、兩根安息香、燻、箇衣裳、頭上、便是介箇光景

身上那等商量、借介件綿紬衫、紅夾襖來襯裏、外頭箇單衫、弗拘、苧、青、或是、柳、黃、花、紬、連、裙、洒、線、被、風、各要一件、白地青箱靴頭鞋、對脚膝褲、各要一雙、再借一付洗白脚帶、一發、稱、副子、箇衣裳、兩人聽得、吃生能介一爰、弗、迷、你、介、忒、要、風、光、駐雲飛上告娘行、借物雖多、儘不妨、感你多情況、教我難推諉、奈、肯、備、共、衣裳、管教停當、事、俱、完、免、掛、心、兒、上、明日、安心、去、進、香、白姐兒道、箇樣也美、來是箇小事、我先脫箇小衣裳洗、白漿、

打發兩人轉背、就央箇姑媽外甥、收捉銅杓、注子兩件、  
同兩領補打箇衣裳、替我拿來與當裡去當、買停當、  
子爺馬牙香、臘燭要介兩對、還要介一塊千張、羅子三、  
升白米、明朝煮飯、一箍松箍、今夜燒子箇浴湯、充介錢、  
半八成銀子、還箇船轎、換介三十新鑄銅錢、我打發箇、  
叫化箇婆娘、色樣一齊完備、明朝打點早行、懶畫眉嬌  
娘早起拂粧臺、炭畫蛾眉粉彈腮、只愁粧不就、好身材、  
盡情把衣飾來穿戴、且喜得人家肯借來、白梳粧打扮

完脩、搽、擺：下子舢舨、舢家嘴裡也再弗說、肚裡千  
思百量、若能替渠歌介一夜、再貼渠介五錢箇放光、厚  
羅泡好箇風流氣象、看不肥不瘦、不短不長、端、正、

坐舢舨時、興衣服喬粧扮、粉香脂氣、分明是麝蘭嬌音  
細語、分明是鳳凰、只聽得喚一聲、家長、使我魂飄蕩、箇  
舢一搽、到水濱、轎夫間奪來搶、姐道、無人也弗要囉  
阜、聽我說介箇主張、轎錢還你一錢銀子、依我處、要  
行、先到穹窿山、還子香頂、後到玄墓山、看、假、山、經、堂、

轉東、要到天、池、看、石、殿、再、到、一、雲、徐、家、坡、上、張、還、  
要、看、金、山、寺、裡、坐、開、箇、和、尚、天、平、山、看、范、文、正、公、箇、  
祠、堂、前、頭、老、實、箇、轎、夫、道、我、也、無、箇、樣、氣、力、後、頭、閃、出、  
兩、箇、軒、矧、臘、箇、後、生、便、道、轎、錢、也、弗、敢、多、要、路、上、便、要、  
喫、介、兩、遭、箇、酒、漿、等、我、擡、你、滿、山、覓、便、奉、承、你、星、氣、力、  
你、也、弗、要、慌、忙、姐、兒、坐、子、轎、子、粧、旗、做、樣、引、動、了、多、少、  
箇、後、生、有、箇、道、是、出、鄉、箇、觀、音、菩、薩、有、箇、道、是、批、化、箇、  
陳、州、娘、  
香、柳、娘  
這、挫、來、女、娘、這、擡、來、女、娘、身、林、俦、當、

鄉村鄰神、仙降、怎禁他這巧粧、怎當他這俏粧、只少箇小紅娘、驚、無兩樣、看蜂喧蝶嚷、看蜂喧蝶嚷、到處生香、令人妄想、**面**看、日頭落子、姐兒肚裡、又介心慌、夜晚頭邊、有星走失、借別人介多呵、物事教、我拿儗陪償、慌忙趕到屋裡、撞着子多呵、箇嬌娘、說弗盡、路上箇景致、話弗了、山上箇風光、只聽得大門呀、生、介、一響、再是討衣裳、箇阿媽娘、慌忙頭上、除下子首飾、身上卸落子衣裳、兩人擡頭一看、滿身、剥得精光、**象**方纔金



光○泰○殿○像○箇○常○熟○山○上○新○裝○塑○箇○尊○觀○音○佛○那○間○破○珠○  
接○據○好○像○箇○盤○門○路○裡○是○爲○龜○吳○命○箇○星○集○婆○娘○

○○破駝帽歌

有○介○一○隻○山○歌○唱○你○儂○聽○新○翻○騰○打○扮○弄○聰○明○白○也○唱○  
唱○蒲○鞋○纏○襪○也○弗○唱○直○掇○海○青○也○弗○唱○緝○裙○縷○襖○也○弗○  
唱○香○袋○汗○巾○平○頭○唱○箇○頭○上○帽○子○歷○代○幾○樣○翻○新○舊○時○  
作○尖○頂○長○獃○後○來○改○子○平○頂○鼓○墩○喚○有○纓○子○朗○鎖○密○結○  
瓦○稜○惟○有○小○張○官○人○頭○上○帽○子○戴○又○戴○得○箇○停○當○盛○又○

盛得介娉婷光油、露出子杭州了髻亮晃、插起重  
慶金簪後頭換出子候端帛團子前頭推起子九針子  
網巾帽子帶得介長遠年漆月久成精忽朝一日頭上  
說話听聲小張官人我一眼、你兩三巡黃冊你一戴  
戴我二三十個清明春秋四季並弗曾盛頂紵線羅帽  
寒冬臘月並弗曾盛頂戴帽鐘巾總成你相交子多少  
姹、童、窠、子、陪、伴、子、若、干、臨、生、舉、人、看、子、多、少、提、偶、揆、戲、  
游、湖、踏、青、唱、船、裡、人、中、顯、貴、酒、樓、上、鬧、裏、奪、尊、捉、箇、猪、

膽去油、教我受子、多少、膽、膽、甚、胆、極、箇、百、藥、箭、上、色、教、  
我、唵、子、多、少、烏、阜、泥、筋、板、刷、常、相、會、引、線、弗、曾、離、身、  
一、日、子、修、理、得、介、停、當、戴、出、子、閭、門、月、城、裏、遇、着、子、朋、  
友、說、話、聚、集、子、東、西、來、往、無、數、箇、閒、人、看、呆、子、山、東、販、  
驢、倅、子、立、痴、子、江、西、販、帽、子、個、客、人、江、西、老、鄉、談、弗、絕、  
蘇、州、歇、後、語、連、聲、十、字、街、蟒、龍、玉、烏、紗、冠、石、皮、得、介、則、  
賴、老、弗、識、波、羅、生、荔、枝、圓、重、夕、得、介、武、村、日、頭、照、子、好、  
像、走、差、次、身、頭、上、單、帽、雨、落、濕、子、好、像、壓、匾、介、一、箇、老、

人頭巾、捻來手裏好。像拳緊介一隻脩爪、蝎落來地上。  
好像蠱起來介一隻刺毛鶯、修驗帽見子一嚇洗網巾。  
呀子一聲破靴羊毛、換銅錢絹三問四賣花、換管豆弗。  
曾離門、小張聽得我句言語嚇得冷汗直淋、玄來無人。  
烟灰在、揉下來看介一看、真當弗像、只得去貼舊換新。  
欲要黃帽鋪裏去講、安弗好戴子進深大門、思量無。  
些擺佈、只得那借子一頂麻布頭巾、綳湯、好像看墳。  
箇董永、軟搭、好像下裏箇洞賓、過着子承天寺裡箇。

和、尚、定、道、請、深、領、喪、入、木、撞、見、子、玄、妙、觀、裏、道、士、定、道、  
請、深、還、煞、念、經、鄉、隣、趕、趁、子、介、子、朋、友、怕、闕、子、人、情、小、  
張、道、箇、是、我、裏、躲、兄、便、服、弗、消、得、列、位、介、費、心、無、些、意、  
思、介、一、日、只、得、走、轉、家、門、家、婆、道、你、出、去、子、介、一、日、阿、  
曾、幹、子、帽、子、箇、正、在、喚、家、婆、弗、要、話、起、走、腫、子、箇、脚、底、  
擺、痛、子、箇、背、心、餓、過、子、箇、肚、裏、看、花、子、箇、眼、睛、帽、舖、家、  
家、走、到、價、錢、箇、弗、等、只、得、反、渠、轉、來、假、充、一、箇、朗、鎖、  
戴、到、下、橋、行、市、再、尋、得、成、子、離、離、吹、成、子、箇、灰、塵、上、

子丕頭丕介一丕屈剛丕子三五六星小張挺肩跌脚  
說道弗匡你介一角收成家婆道你也弗要大驚小恠  
還幹若干正經大塊頭見改雙涼鞋着耕塊頭見改  
子外公頭上束髮包巾帽沿拿來做箇紮額我裡夏天  
恍、碎塊頭見做子一頂細密網巾駝頭駝腦做箇刷  
牙來刷、零、碎、做箇香袋薰、帽子道我前卅作  
畫子搯孽你公婆兩箇擺佈得我介盡情小張道駝兄  
大哥帽子大人你儂弗要出言吐氣我儂唱介一隻曲

子你聽、

〔駐雲飛〕

帽樣新鮮不復完、今剩缺連、一向承

裝觀、今日堪埋怨、你不多年、帽○子○道○值○勾○你○我○如○

何稀爛、想是當初、修舊將咱騙、為你冤家費我錢、〔白〕帽

子道、鼓弗打弗響、鐘弗撞弗鳴、別人戴子風裡坐、你戴

子我雪裡奔、憑你改長改短、我也無怒無嗔、捉我改子

外公頭上束髮包巾、我也成承你頂戴、捉我改子你家

婆頭上紫額、我也當得奉承、〔圈〕捉我改子刷牙正要擢

你臭賊箇張嘴、捉我改子涼鞋正要打碎你箇老腳跟

遊翰瑣言尚有破種穢歌無味故不錄

○山人

說○山○人○話○山○人○說○着○山○人○吳○殺○人○  
自○身○穿○着○僧○弗○僧○俗○  
弗○俗○箇○沿○落○殿○袖○頭○帶○子○方○弗○方○圓○弗○圓○箇○進○士○唐○巾○  
弗○宵○閉○門○家○裡○坐○肆○多○在○土○地○堂○裡○去○安○身○土○地○菩○  
薩○看○見○子○連○忙○起○身○便○來○迎○土○地○道○呸○出○來○我○只○道○是○  
同○僚○下○降○元○來○到○是○你○箇○咄○光○斯○欣○嘆○弗○知○是○文○職○武○  
職○嘆○弗○知○是○監○生○舉○人○嘆○弗○知○是○糧○長○斗○級○嘆○弗○知○是○



謔書老人、喚弗來裡作揖、盡外、喚弗來裡放告投文、要  
了開關、介挨肩了擦背、急逗、介作揖了手身、轎夫  
箇、儕做子明爰、阜隸箇、儕扳子至親、帶累我土地  
也弗得安靜、無早無晚介打戶敲門、我弗知你為儕箇  
事幹、仔細替我說箇元回、山人上前齊、作揖、告訴我  
裡的、親、箇土地尊神、我哩個些人、道假喚弗假、道  
真喚弗真、做詩喚弗會、嘲風弄月、寫字喚弗會、帶州連  
真、只因為生意淡薄、無奈何進子法門、做買賣喚弗會、

本錢缺少、要救書喚喚箇學堂難尋、要美命喚喚弗曉得  
箇五行生剋、要行醫喚喚弗明白、個六脉浮沉、天生子軟  
凍介介一箇擔輕弗得步重弗得箇肩膊、又生箇有勞  
勞介一張說人話人自害自身、箇嘴唇算盡子箇三十  
六策、只得投靠子箇有名目箇山人、陪子多少箇蹲身  
小坐、弊子我哩我呵煮酒餽飽、方饒通得一箇名姓、領  
我見得箇大人、雖然弗指望揚名四海、且樂得榮耀  
一身、赫落子我呵親眷、動子多少鄉鄰、因此上也要

寫  
吊

德  
德  
音

恭見佛弟是我哩無事入公門土地聽得箇班說話  
就連聲罵道個牢寫說箇猢猻你也忒殺膽大你也忒  
殺惡心庶耻喚介掃地鑽刺喚介通神我見你一蠅進  
一蠅出袖子裡常有手本一箇上一箇落口裡常說箇  
人情也有時節詐別人酒食也有時節騙子白金硬子  
嘴了了說道恤孤了伏羲曲子肚腸了說道表兄了舍  
親做子哉听腰頭德擦難道只要開轅箇門庭你箇樣  
瞞心昧已那瞞得竈界六神若還弗信待我唱隻駐雲

飛來你聽、

駐雲飛

殺山人終日忙、著霞跟頭戴

無世正、全靠虛幫襯、口裡滴溜清、心腸墨鈍、八句五  
詩、嘗搭公文進、今日胥門接某大人、明日閭門送某大  
人、**向**山人聽子、冷汗淋身、便道土地、忒殺顯靈、大家向  
前討介一卦、看道阿能勾到底太平、先前得子一箇聖  
筮、以後再打子兩箇、翻身土地說道、在前還有青龍上  
卦、去後只怕白虎纏身、你也弗消求神請佛、你也弗消  
得去告斗詳星、也弗消得念三官宝誥、也弗消得念敕

苦真經、〔釋〕我只勸你得放手時須放手、得饒人處且饒人、

此歌為譏誚山人管閒事而作、故末有放手饒人之句、或云張伯起先生作、非也、蓋舊有此歌、而伯起復潤色之耳、

○魚船婦打生人相罵

網船上婆娘童子打生箇人、一場相罵鬧漁人、你一聲來我一白、也弗輸來也弗贏、〔面〕也弗贏、忒好聽、只見箇

箇婆娘忝起來叫四隣便罵道你箇去、响箇烏龜弗  
要走子去、也搭你樓一箇六江水也渾論起行戶中間  
來我搭你蘆葦上蘆葦下、稱起骨頭來你八兩我半斤  
看得別人便是鯢頭娘、能介一點自家便癩蛇爬躉  
進子天平、別人道是善善、倒是鯢籃裡揀出來箇一  
張嘴、呵呵、再是箇旱渴精突出子箇双田螺頭箇眼  
睛、以慣要是介、鯢戟詐開子張鮎魚喇噠嘴、只耍  
別人星、沒得又弗穿你一網兜子、終弗然撐開子船頭

弗、我、壽、知、老、娘、是、箇、宿、腳、箇、相、罵、背、阿、呀、氣、得、我、箇、  
肚、皮、再、像、子、清、明、前、箇、河、豚、我、弗、像、你、搭、吊、鱗、皮、箇、妹、  
子、能、介、弗、收、管、箇、兩、腳、蚌、也、弗、像、你、搭、黃、鱗、嘴、家、婆、能、  
介、罷、臭、鱗、能、當、面、前、喫、別、人、罵、絕、子、箇、鱧、魚、鼈、背、後、  
喫、別、人、挖、盡、子、螺、蛸、窟、臂、你、箇、樣、正、叫、子、田、雞、乾、骨、裡、  
臭、也、要、伸、出、子、烏、龜、頭、做、耍、人、打、生、箇、氣、得、肚、膨、氣、脹、  
便、罵、道、你、箇、鷓、鴒、鷓、鴒、箇、討、人、一、張、嘴、嘗、是、鴉、飛、鵲、糝、  
久、慣、是、牛、皮、烏、觔、面、皮、便、野、雞、斑、起、白、鷄、手、箇、双、眼、睛、

連、番、要、做、箇、火、老、鴉、人、叫、你、是、箇、白、鴉、鷹、你、也、弗、曾、  
經、我、介、一、彈、弗、怕、你、飛、上、子、青、雲、等、我、送、得、你、鷓、鴒、屎、  
直、出、眼、見、得、你、搭、家、公、寒、鷓、鴒、能、我、弗、怕、你、搭、一、窠、羅、  
箇、十、姊、妹、也、弗、怕、你、搭、鷓、鴒、頭、鷓、子、眼、箇、星、小、賊、精、你、  
再、怪、鳥、能、介、捉、人、冲、撞、笑、你、斑、鳩、教、鷓、鴒、弗、看、自、箇、棧、  
形、憑、你、連、夜、磨、尖、子、鴨、嘴、囉、裡、思、量、天、鷲、肉、來、喫、星、別、  
人、家、箇、婆、娘、窮、做、窮、乾、啾、縮、在、窠、裡、並、弗、曾、餓、臂、鳥、  
能、介、着、處、奔、又、弗、是、你、撒、食、養、來、搭、箇、那、了、要、你、鳥、



說、胚介、撒村、等我夾子箇張毛鵝、鵝看介、你箇提雞、雞啼、只、做、箇、人、家、弗、成、兩、箇、相、罵、子、介、一、畫、聚、集、子、兩、邊、兩、岍、無、數、箇、閒、人、指、頭、大、箇、碎、因、兒、盡、夾、鰕、鱗、蚌、夾、好、像、野、鳥、陣、飛、子、介、一、村、有、介、一、箇、白、頭、老、者、唱、住、子、兩、人、說、道、鰕、弗、跳、水、弗、動、見、子、免、便、放、箇、鷹、李、家、箇、阿、姊、你、箇、搯、鰕、魚、頭、性、格、囉、裡、去、使、張、家、第、三、箇、你、箇、痴、鰕、頭、忒、煞、認、真、各、有、道、路、各、自、做、人、盡、弗、消、得、老、鵝、跌、倒、只、捉、嘴、來、搯、那、了、是、介、水、面、上、使、鉄、搭、攤、浪、得、介、盡、

情西邊田裡野魯落你也弗去支網東邊港裡魚扶頭  
你也弗去趕青又弗是爭田奪地天呀只問你相罵有  
要好聽依我勸開子孫我老人家是一派正經〔辭〕益弗  
是羹碗裡魚頭撥轉支花野味趙談春

青年有趙談春者善詆諧吳語謂浚正經曰趙曰曰  
趙談春云

山歌九終

山歌九

樂永長歌

山歌十

桐城時興歌

鞦韆以下五句

姐在架上打鞦韆，郎在地下把絲牽。  
姐把脚兒高蹺起，待郎雙手送近前。  
牽引魂靈飛上天。

○素帕

不寫情詞不寫詩，一方素帕寄心知。  
心知接了簪倒看，也絲來豎也絲。  
這般心事有誰知。

○葫蘆

葫蘆小時生得嬌，引得人來月。瞧相交，莫學葫蘆老。  
葫蘆老時兩開交，東也縣來西也縣。

○劍

一張寶劍寄多嬌，龍泉三尺放光毫。心肝莫說無情劍，  
心肝莫說兩邊刀。要與心肝刻頸交。

○筆

捲心筆現是兔毫，翰墨場上走一遭。早知你心容易黑，  
不如當初淡相交。世間好物不堅牢。

○ ○ 木梳

一箇梳兒滑殺人，伶牙俐齒忒聰明。生出許多法兒與奴通慣了，莫要又去通別人。後來無齒沒收成。

○ 西瓜

一箇西瓜寄多情，叫姐莫學此瓜身。外面青時還好看，惱你肚裡許多仁。只為人多壞了身。

、 、 茶

斟不出茶來把口吹，壺嘴放在姐口裡不如做箇茶壺。

嘴常在姐口計便宜滋味清香不外倚

、塔

一座寶塔七層尖年深月久造得全我兩箇相交如造  
塔一磚不到枉徒然人要工夫又要專

、猜拳

我愛心肝生得乖却把拳兒與你猜我與心肝共一箇  
預先與你說明白若還兩箇我先開

〇又

昨日與姐把拳猜，郎問姐拿出幾箇來，姐說只有郎一箇，若有兩箇你便開，從今莫把菜出來。

、天平

郎做天平姐做針，一頭法馬一頭銀情，哥你也不必閒敲打，我也知得重和輕，只要針心對針心。

、燈籠

一對燈籠街上行，一箇昏來一箇明，情哥莫學燈籠千箇眼，只學蠟燭一條心，二人相交要長情。

燈影

一盞孤燈照書齋，更深夜靜好難捱。  
回頭觀見壁上影，好似我冤家。  
背後來，恨不得，當身撲抱在懷。

○鞋

青段鞋兒綠段襪，千針萬線結成雙。  
買尺白綾來鋪底，只要我郎來上幫。  
心肝莫說短和長。

○○新月

新生月兒似銀鉤，住嫦娥在裡頭。  
嫦娥也被勾住了。



不○愁○冤○家○不○上○釣○樂○園○日○子○在○後○頭○

○搖頭

昨○日○與○姐○同○過○橋○誤○他○一○句○把○頭○搖○待○他○二○八○春○心○動○  
那○時○倒○把○我○上○橋○我○也○學○姐○把○頭○搖○

、調心

假○不○假○來○真○不○真○我○也○難○調○你○的○心○若○要○調○得○真○心○轉○  
除○非○丟○了○心○上○人○紅○羅○帳○裡○結○同○心○

○戀

繡娘未必嫌十小紫糖色兒正相因不見山中老查葉  
婿的都是虫蛀心話不虛傳果是真

丟

丟郎一丟試他心看他待我假和真口雖說丟心還在  
荷包收口未收心怎肯憐新棄舊人

送郎

送郎送到五里墩再送五里當一程本待送郎三十里  
鞋弓襪小步難行斷腸人送斷腸人

○又

郎上孤舟妾倚樓東風吹水送行舟  
老天若有留郎意一夜西風水倒流  
五拜拈香三扣頭

○募凍

郎學和尚去修齋只募良緣不募財  
誰家大姐肯施捨明中去了暗中來  
又能長福又消災

○○○三秀才

六句

姐家住在儒學傍相交三角秀才郎  
有朝一日登金榜

人○也○不○妨○  
狀○元○榜○眼○探○花○郎○武○則○天○當○日○做○以